

## ხელშეკრულება №51

“10“ მაისი 2017 წ.

ქ.გორი

### 1. ხელშეკრულების მხარეების ზუსტი დასახელება და რეკვიზიტები

1.1 “სახელმწიფო შესყიდვების შესახებ” საქართველოს კანონის მე-10<sup>1</sup> მუხლის მესამე პუნქტის „თ“ ქვეპუნქტის თანახმად, ერთი მხრივ (შემდგომში შემსყიდველი) გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაცია (მისამართი: ქ.გორი, ფერადის ქ. №5) სახელმწიფო რწმუნებულის-გუბერნატორის პირველი მოადგილის იოსებ ოქრომელიძის სახით და მეორე მხრივ (შემდგომში მიმწოდებელი/შემსრულებელი) გიორგი ლაცაბიძე (იურიდიული მისამართი: გორის მუნიციპალიტეტი, სოფელი ქვემო ხვითი) ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

### 2. ხელშეკრულების საგანი

2.1. ავტოსატრანსპორტო საშუალების ტექნიკური მომსახურების (CPV501) შესყიდვა. (იხ. დანართი №1)

### 3. ხელშეკრულების ჯამური ღირებულება

3.1. ხელშეკრულების ჯამური ღირებულება განისაზღვრება 562,5 (ხუთასსამოცდაორი ლარი და ორმოცდაათი თეთრი) ლარით, მათ შორის საშემოსავლო გადასახადი შეადგენს 112,5 (ასთორმეტი ლარი და ორმოცდაათი თეთრი) ლარს.

### 4. სამუშაოს შესრულების ეტაპობრივი ვადები

4.1. მიმწოდებელი ვალდებულია უზრუნველყოს მომსახურების გაწევა 2017 წლის 10 მაისიდან 2017 წლის 16 მაისამდე, შემდეგ მისამართზე: ქ.გორი, პუშკინის ქ. №2.

### 5. მიღება ჩაბარების წესი

5.1 გასაწევი მომსახურება ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2 გასაწევი მომსახურების (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები, დაწუნებული გაწეული მომსახურების წუნდების მიზეზების მითითებით.

### 6. შესყიდვის ობიექტის ხარისხი

6.1. გაწეული მომსახურება უნდა იყოს მაღალი ხარისხის და შეესაბამებოდეს დადგენილ სტანდარტებს.

## 7. ანგარიშსწორების ფორმა, გრაფიკი და ვადები

7.1 ანგარიშსწორება მოხდება უნაღდო ანგარიშსწორების წესით.

7.2 შემსყიდველი ვალდებულია მოახდინოს თანხის გადარიცხვა მიღება-ჩაბარების აქტისა და/ან ანგარიშ-ფაქტურის წარმოდგენიდან 10 სამუშაო დღის განმავლობაში, გაწეული მომსახურების საერთო ღირებულების შესაბამისად.

## 8. მხარეთა უფლება-მოვალეობანი

8.1. შემსრულებელი იღებს ვალდებულებას გაუწიოს შემსყიდველს მის მიერ მოთხოვნილი მომსახურება ხელშეკრულების პირობების შესაბამისად.

8.2. შემსყიდველი იღებს ვალდებულებას აუნაზღაუროს შემსრულებელს შესრულებული მომსახურებისა საფასური ხელშეკრულების პირობებში ასახულ ვადებში და ფორმით.

## 9. მხარეთა პასუხისმგებლობა ხელშეკრულების პირობების დარღვევისათვის

9.1 შემსყიდველი უფლებამოსილია გასაწევი მომსახურების ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაცილებულ დღეზე დროულად გაუწეველი მომსახურების ღირებულების 0.5%-ის ოდენობით.

9.2 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაცილებულ დღეზე გადაუხდელი თანხის 0.5%-ის ოდენობით.

9.3 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 4 (ოთხი) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.

9.4 ხელშეკრულებით ნაკისრი ვალდებულებების არშესრულება და/ან არაჯეროვნად შესრულება განიხილება, როგორც ხელშეკრულების მოშლის საფუძველი.

9.5. ხელშეკრულებით ნაკისრი ვალდებულების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

## 10. ფორს-მაჟორი

10.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვევულ იქნა ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა დაუძლეველი ძალით. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწევეს შესაბამისი დროით (გარდა საბიუჯეტო ასიგნებების მკვეთრი შემცირებისას) გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

## 11. ხელშეკრულების მოქმედების ვადა

11.1 ხელშეკრულება ძალაშია 2017 წლის 10 მაისიდან 2017 წლის 30 ივნისამდე.

## 12. დავების გადაწყვეტის წესი

12.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## 13. ხელშეკრულების ინსპექტირების პირობები

13.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოსცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

13.2. შემსრულებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

13.3 ხელშეკრულების პირობების შესრულების კონტროლს განახორციელებს გვანცა ცომაია – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციაში სახელმწიფო რწმუნებულის–გუბერნატორის აპარტის სპეციალისტი, ხოლო მიღება-ჩაბარების აქტის გაფორმებას განახორციელებს გიორგი იაკობაშვილი – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციაში სახელმწიფო რწმუნებულის–გუბერნატორის აპარტის უფროსი სპეციალისტი.

13.4. ამ მუხლის არცერთი პუნქტი არ ათავისუფლებს შემსრულებელს მოცემული ხელშეკრულების გარანტიისა ან სხვა ვალდებულებებისაგან.

## 14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელმოწერ მხარეებთან.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი: გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაცია, სახელმწიფო რწმუნებულის-გუბერნატორის პირველი მოადგილე იოსებ ოქრომელიძე (შემსყიდველის სახელი, გვარი, თანამდებობა)



ხელმოწერა

ბ.ა

საბანკო რეკვიზიტები

შემსყიდველის ბანკი: საქართველოს სახელმწიფო ბანკი

კოდი: TRESGE22

ანგარიშსწორების ანგარიში: GE24NB0330100200165022

საინდეტიფიკაციო კოდი: 217889514

მიმწოდებელი: გიორგი ლაცაბიძე (მიმწოდებლის სახელი, გვარი, თანამდებობა)

ხელმოწერა

ბ.ა

საბანკო რეკვიზიტები

მომწოდებლის ბანკი: სს "საქართველოს ბანკი"

კოდი: BAGAGE22

ანგარიშსწორების ანგარიში: GE09BG 0000 0006 8664 5800

პირადი ნომერი: 59001066360

დანართი №1  
2017 წლის 10 მაისის №51 ხელშეკრულებასთან

ფასთა ცხრილი

№	ავტოსატრანსპორტო საშუალების დასახელება/წლოვანება	მომსახურების (საქონლის) დასახელება	CPV	რაოდენობა	ერთეულის ფასი (ლარში)	საერთო ღირებულება (ლარში)	საქონლის (მომსახურების) მიწოდების ვადა	საქონლის (მომსახურების) მიწოდების ადგილი
1	SKODA/OQTAVIA სახ.ნომრით: AA-516-CC/2013 წელი	გადამბეულობის დამწოლი საკისარის მოხსნა-ადგენა-დაყენება	501	1	450	450	10.05.2017 16.05.2017	კ.გორი; პუშკინის ქ. №2
სულ		საშემოსავლო გადასახადი	501	1	112,5	112,5		
						562,5		

შენიშვნა: საქონლის ერთეულის ფასსა და საერთო ღირებულებას შორის სხვაობის შემთხვევაში უპირატესობა ენიჭება ერთეულის ფასს

შემსყიდველი: გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაცია, სახელმწიფო რწმუნებულის-გუბერნატორის პირველი მოადგილე იოსებ ოქრომელიძე



(შემსყიდველის სახელი, გვარი, იმედი)

მიმწოდებელი: გიორგი ლაცაბიძე  
(მიმწოდებლის სახელი, გვარი, თანამდებობა)

ბ.ა

ინტერესთა კონფლიქტის თავიდან აცილების პირობები

ქ.გორი

10 მაისი 2017 წ

ჩვენ, ქვემოთ ხელის მომწერნი ვადასტურებთ, რომ გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის მიერ ავტოსატრასპორტო საშუალების ტექნიკური მომსახურების სახელმწიფო შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის პირველი პუნქტით გათვალისწინებულ მოთხოვნებს.

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის პირველი მოადგილე იოსებ ოქრომელიძე



შესყიდვების კოორდინატორი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის აპარატის სპეციალისტი

გვანცა ცომაია

მიღება-ჩაბარებაზე პასუხისმგებელი პირი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის აპარატის უფროსი სპეციალისტი

გიორგი იაკობაშვილი